

սկսում է հոսել ուղիղ արեւելք: Բալախոուի խառնունքի մօտ ձորոխը ունի 5800' բարձրութիւն, մեծ է ջրով եւ գնում է ահեղագոյ աահանքով: Բալախոուի վտակը ոռոգում է ձորոխի երրորդ գաւառը:

4. Բալախոուի խառնունքից 6-7 կիլոմետր ցած, Զինջուլ եւ Խայք առուակներն խառնունքից յետոյ, սկսում է Սպերի (Իսպիրի) երկար հովիտը, որ 40 կիլոմետր երկարութիւն ունի եւ տեղ-տեղ լեռների կատարները իրարից 5-10 կիլոմետր հեռաւորութիւն ունին եւ վերջանում է այս հովիտ աջից եւ ձախից ընդունած Հնուտ կրկին առուակներով: Սպերի հովիտը կազմում է ձորոխի չորրորդ գաւառը:

5. Կրկին Հնուտներից սկսում է Կիսկիմի (Կիչկա-Բսիա) հովիտը, ուր ձորոխը սկսում է թեքուիլ դէպի արեւելահիւսիս եւ ապա հիւսիսարեւելք, մինչեւ Ամլէթ եւ Ախլաթ գեղերը, ուր Պարխալը խառնում է ձորոխին: Կիսկիմն էլ Սպերի նման ձորոխի բարեքեր եւ ընդարձակ հովիտն է, ուր դաշտերն աւելի ընդարձակ են եւ աւելի մեծ յարմարութիւն ունին երկրամշակութեան: Կիսկիմը ձորոխի հինգերորդ գաւառն է կազմում:

6. Ապա Պալխար կամ Պարխալ վտակը իջնում է Քաչկար լճից, ոռոգում է Պարխալի եւ Բահլի հովիտները 36 կիլոմետր երկարութեամբ, ձախից խառնում է ձո-